



Broj: 01/01-936/12-2023  
Sarajevo, 19.06.2023. godine

Na osnovu člana 64. stav (1) tačka b), člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14 i 59/22), na Preporuku Komisije za javnu nabavku broj: 01/01-936/11-2023 od 14.06.2023. godine u postupku nabavke roba: **NABAVKA I UGRADNJA AUDIO OPREME ZA IMPLEMENTACIJU RAZGLASA U AMFITEATRIMA PMF-A**, Dekan Univerziteta u Sarajevu Prirodno-matematičkog fakulteta je donio

## ODLUKU

### o izboru najpovoljnijeg ponuđača u otvorenom postupku za dostavu ponuda

#### Član 1.

Prihvata se Preporuka Komisije za javnu nabavku, broj: 01/01-936/11-2023 od 14.06.2023. godine i ugovor za nabavku roba: **NABAVKA I UGRADNJA AUDIO OPREME ZA IMPLEMENTACIJU RAZGLASA U AMFITEATRIMA PMF-A** dodjeljuje se ponuđaču **“RASA” d.o.o. Sarajevo**, čija ukupna cijena ponude iznosi **40.722,00 KM bez PDV-a**, kao najbolje ocijenjenom ponuđaču.

#### Član 2.

Izabrani ponuđač, uzimajući u obzir da je već u sklopu ponude dostavio dokaze o ispunjenosti uslova iz člana 45. stav (1) tačka a) do d) i 47. stav (1) tačka a) Zakona o javnim nabavkama („Sl. glasnik BiH“, broj 39/14 i 59/22), u skladu sa tačkom 7. tenderske dokumentacije *oslobađa se obaveze naknadnog dostavljanja istih.*

#### Član 3.

Za izvršenje ove odluke zadužuje se i ovlašćuje Sekretarijat i Služba računovodstva Fakulteta.

#### Član 4.

Ova odluka objavit će se na web-stranici [www.pmf.unsa.ba](http://www.pmf.unsa.ba) istovremeno sa upućivanjem ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama BiH.

### Obrazloženje

Na osnovu Odluke o pokretanju postupka javne nabavke broj: 01/01-936/3-2023 od 19.05.2023. godine, Univerziteta u Sarajevu - Prirodno-matematički fakultet je pokrenuo otvoreni postupak za dostavljanje ponuda za javnu nabavku roba: **NABAVKA I UGRADNJA AUDIO OPREME ZA IMPLEMENTACIJU RAZGLASA U AMFITEATRIMA PMF-A**.

Za provođenje postupka predmetne javne nabavke, Odlukom broj: 01/01-936/4-2023 od 19.05.2023. godine imenovana je Komisija za provođenje postupka javne nabavke.

Obavještenje o nabavci broj: 29340-1-1-35-3-41/23 objavljeno je na Portalu javnih nabavki dana 19.05.2023. godine, a u Službenom glasniku BiH br: 38/23 dana 26.05.2023. godine.

Iz Izvještaja o preuzimanju tenderske dokumentacije od strane ponuđača, vidljivo je da su u periodu koji je ostavljen za dostavljanje ponuda do 08.06.2023. godine, tendersku dokumentaciju preuzeli slijedeći potencijalni ponuđači: INTERMING D.O.O SARAJEVO, BBS EUROPE, EKAPIJA DOO, SET UP S, IMTEC D.O.O. SARAJEVO PROINTER ITSS DOO BANJA LUKA-ČLAN INFINITY INTERNATIONAL GROUP, RASA D.O.O., "PROINTER ITSS" D.O.O. SARAJEVO, ELECTRA D.O.O, ITD D.O.O. SARAJEVO, AUDIO TEAM, SAR-LIGHT D.O.O i AUDIO VIDEO CONSULTING DOO.

Iz Izvještaja o pitanjima i odgovorima u periodu koji je ostavljen za dostavljanje ponuda, vidljivo je da je AUDIO TEAM postavio dva pitanja u vezi pojašnjenja tenderske dokumentacije, na koja mu je blagovremeno odgovoreno.

Iz Zapisnika o otvaranju ponuda vidljivo je da je Komisija za javne nabavke dana 09.06.2023. godine sa početkom u 10:30 sati po redoslijedu zaprimanja izvršila javno otvaranje blagovremeno prispjele ponude slijedećeg ponuđača:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	„RASA“ d.o.o. Sarajevo	Da	01/01-936-1/6-2023	08.06.2023.g. u 11:10 sati

Na javnom otvaranju ponuda nisu bili prisutni predstavnici ponuđača.

Zapisnik sa otvaranja ponuda je zajedno sa zapisnikom o prijemu ponuda isti dan, 09.06.2023. godine prosljeđen elektronskim putem (E-mail-om) ponuđaču koji je blagovremeno dostavio ponudu.

Komisija za javne nabavke sastala se 09.06.2023. godine sa početkom u 10:30 sati, radi pregleda i ocjene ponude, odnosno da bi utvrdila da li je ponuđač ispunio uslove koji su traženi Tenderskom dokumentacijom, kao i da bi utvrdila da li je ponuđač dostavio tehnički zadovoljavajuće ponudu u skladu sa zahtjevima iz Tenderske dokumentacije i da li je kvalifikovan za nabavku predmetne robe.

Nakon pregleda i ocjene ponuda, Komisija za provođenje postupka nabavke je utvrdila sljedeće:

Ponuda **ponuđača "RASA" d.o.o. Sarajevo ispunjava** sve uslove za kvalifikaciju tražene Tenderskom dokumentacijom, te je u skladu sa naprijed navedenim **ponudu ponuđača "RASA" d.o.o. Sarajevo ocjenila kao prihvatljivu.**

Redni br.	Naziv i sjedište ponuđača	Ponude ni popust	Ukupna cijena ponude
1.	„RASA“ d.o.o. Sarajevo, Vilsonovo šetalište 2, 71000 Sarajevo	0,00 KM	Cijena ponude bez PDV-a 40.582,00 KM 0% popust <b>Ukupna cijena ponude sa uračunatim popustom bez PDV-a =40.582,00 KM</b> PDV na cijenu ponude= 6.898,94 KM Ukupna cijena za ugovor 47.480,94 KM sa PDV-om

Iz Zapisnika o pregledu i ocjeni ponuda je vidljivo da u ponudi ponuđača bilo računskih grešaka. Komisija za nabavku roba je prilikom analize ponude ponuđača „RASA“ d.o.o. Sarajevo uočila da je isti prilikom obračuna u Aneksu 3 napravio računsku grešku, tj. u Aneksu 3 na strani 5 od 11 u stavci 5 je prilikom množenja količine sa jediničnom cijenom po stavki bez PDV-a napravio računsku grešku u *Ukupnoj cijeni po stavki bez PDV-a*. Time je ponuđač i na strani 10 od 11 Aneksa 3 u *Ukupnoj cijeni bez PDV-a* i *Ukupnoj cijeni sa popustom bez PDV-a* napravio računsku grešku. U skladu s tim, ugovorni organ je dana 12.06.2023. godine uputio imenovanom ponuđaču putem E-maila zahtjev za prihvatanje ispravke računске greške: broj: 01/01-936/8-2023 od 09.06.2023. godine. Ponuđač je prihvatio ispravku računске greške, aktom dana 13.06.2023. godine. Umjesto Ukupna cijena sa popustom bez PDV-a: 40.582,00 KM, tačan iznos je Ukupna cijena sa popustom bez PDV-a: 40.722,00 KM.

Iz Zapisnika o pregledu i ocjeni ponuda je vidljivo da je za predmetnu nabavku, kao što je i navedeno u Tenderskoj dokumentaciji i Obavještenju o nabavci broj: 29340-1-1-35-3-41/23 od 19.05.2023. godine predviđeno provođenje E-aukcije za kvalifikovane ponuđače, a s obzirom da je pristigla samo jedna prihvatljiva ponuda, E-aukcija se nije mogla zakazati u skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“, broj: 66/16), nego se postupak okončava u skladu sa članom 69. Zakona.

**Shodno navedenom, Komisija za javne nabavke je prema utvrđenom kriteriju najniže cijene tehnički zadovoljavajuće ponude dala preporuku Dekanu Univerziteta u Sarajevu Prirodno-matematičkog fakulteta da se u predmetu nabavke roba: NABAVKA I UGRADNJA AUDIO OPREME ZA IMPLEMENTACIJU RAZGLASA U AMFITEATRIMA PMF-A donese Odluka o dodjeli ugovora ponuđaču „RASA“ d.o.o. Sarajevo, čija cijena ponude iznosi 40.722,00 KM bez PDV-a.**

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Akt obradila: Jasmina Mujkić, dipl.iur.



#### **Dostaviti:**

- Ponuđaču: „RASA“ d.o.o. Sarajevo
- Dosije nabavki
- a/a



Prof. dr Nusret Drešković